

华阴县志

第九册
第二函

華陰縣志卷十七

賦

請雨華山賦

崆龍巍峭嶢山清忽幽昧往曲勃林岑某崔

一作
龔

竭離安連迎

螺通谷曼服懷奄草均阿阪殷紛聲沸路遼遠調修罕曜寒服

嶼冥冥蘭蔓散峽峭峭嶢嶢漆漆路黍稷雲嶢忽傳天下爲深

壑旅請今深渥水谷密請宜令所出百鎗鎗清池涌泉淡州鳴

一作
鳥

鴛翔嚦嚦殊侶診賞懸若神悲哀

一作
鳥

但往

一作
住

不可語

人鹿麇麇嶢他他野牛勝握觸熊蜚蜚怒佛特林旅象犀
庸遊山陵天陰且雨貞日聆棠柘梓桐繆母猴猿木戲手相

持陔陽縱焚若風時憚鴛鴦陽鸞孔聖

章明蚤

一作

礦苑食

游山旁悵懶狐貉臨水凝渾兮不觸果必方荳格可爲悵陵鯉
難神龜春夏出游冬自根聖人親之誠哉號拖何不可勝亦
路臨何爲華山

此賦載於宋章樵訂刻古文苑中其文不可句讀孫巨源
得之僧寺佛龕中首尾殘闕義理不屬姑存以俟搜攷

封西嶽賦

上旣封泰山之後三十年間車轍馬跡至於太原還於長安時
或謁太廟祭南郊每歲孟冬巡幸溫泉而已聖主以爲王者之
體告厥成功止於岱宗可矣故不肯到崆峒訪具茨驅八駿於
崑崙親射蛟於江水始爲天子之能事壯觀焉爾况行在供給

蕭然煩費或至作歌有慚於從官誅求坐殺於長吏甚非主上
執元祖醇醲之道端拱御蒼生之意大哉聖哲垂萬代則蓋上
古之君皆用此也然臣甫愚竊以古者疆場有常處贊見有常
儀則備乎玉帛而財不匱乏矣動乎車輿而人不愁痛矣雖東
岱五嶽之長足以勒崇垂鴻與山石無極伊太華最爲難上至
於封禪之事獨軒轅氏得之夫七十二君罕能兼之矣其餘或
蹶踣風雲碑版祠廟終么麼不足追數今聖主功格軒轅氏業
纂七十二君風雨所及日月所照莫不砥礪華近甸也其可惡
乎比歲鴻生巨儒之徒誦古史引時義云國家土德興黃帝合
主上本命與金天合而守闕者亦百數天子寢不報蓋謙如也

頃或詔厥郡國掃除曾巔雖翠蓋可薄乎蒼穹而銀字未藏於
金氣臣甫誠薄劣不勝區區吟詠之極故作封西嶽賦以勸賦
之義預述上將展禮焚柴者實覲聖意因有感動焉其詞曰維
時孟冬乃休百工上將陟西嶽覽八荒御白帝之都見金天之
王旣刊石乎岱宗又合符乎軒皇茲事體大越不可載已先是
禮官草具其儀各有典司俯叶吉日欽若神祇而千乘萬騎已
蟻略佻儻屈矯陸離惟君所之然後拭翠鳳之駕開日月之旗
撞鴻鐘發雷輜辨格澤之修竿決河漢之淋漓殲天狼之威弧
墜魍魎之霏霏赤松前驅彭祖後馳方明夾轂昌寓侍衣山靈
秉鉞而踞踞海若護蹕而參差風馭冉以縱轡雲螭縈而遲跼

地軸軋軋殷以下折原隰草木儼而東飛岐梁閃倏涇渭反覆
而天府載萬侯之玉上方具左纛黃屋已焜煌於山足矣乘輿
尙鳴鸞和儲精澹慮華蓋之大角低回北斗之七星皆去屈蒼
山而信宿屯絕壁之清曙旣臻夫陰宮犀象碑兀戈鋌窳窳飄
飄蕭蕭洶洶如也於是太一抱式元冥司直天子乃宿被齋就
登陟駢素虬超翦男天語秘而不可知代欲聞而不可得柴燎
上達神光充塞泥金乎菡萏之南刻石乎青冥之北上意由是
茫然延降天老與之相識問太微之所居稽上帝之遺則颯弭
節以徘徊撫八絃而黻黑忽風翻而景倒澹殊狀而異色罔若
褰祛開帷下辯宸極者久之雲氣蓊以迴複山嘒樂而未息祀

事孔明有嚴有翼神保是格時萬時億爾乃駐飛龍之秋秋詔
王屬以中休覲羣后於高掌之下張大樂於洪河之洲芬樹羽
林莽不可收千人舞萬人謳麒麟跋跋而在郊鳳凰蔚跋而來
遊雷公伐鼓而揮汗地祇被震而悲愁樂師拊石而具發激越
乎遐陬羣山爲之相峽萬穴爲之倒流又不可得載已久而景
移樂闋上悠然垂思曰嗟乎余昔歲封泰山禪梁父以爲王者
成功已纂終古當鑒前史至於周穆漢武豫游寥闊亦所不取
惟此西嶽作鎮三輔非無意乎頃者猶恐百姓不足人所疾苦
未暇瘞斯玉帛考乃鐘鼓是以視嶽於諸侯錫神以茅土豈惟
壯設險於甸服報西成之農扈亦所以感一念之精靈答應時

之風雨者矣今茲冢宰庶尹醇儒碩生僉曰黃帝顓頊乘龍游
乎四海發軔匝乎六合竹帛有云得非古之聖君而太華最爲
難上故封禪之事鬱沒罕聞以予在位發祥隕祉者焉可勝紀
而不得已遂建翠華之旗用塞雲臺之議矧乎殊方奔走萬國
皆至元元從助清廟獻欹也臣甫舞手蹈足曰大哉鑠乎眞天
子之表奉天爲子者矣不然何數千萬載獨繼軒轅氏之美彼
七十二君又疇能臻此蓋知明主聖罔不克正功罔不克成放
百靈歸華清

華山爲城賦

地控強秦路惟分陝有大華之作固若崇墉之設險絕壑中抱

重巒外掩倚銀漢而匝野屏開跨金方而當空黛染千尋壁立
萬雉雲屯龍盤日月虎視乾坤大河自北而東呀爲濬洫窮谷
從中而斷豁若重門誠百二之光宅見九五之天尊偉夫襟帶
皇都咽喉上國磅礴乎嶠函之外隱軫乎豐鎬之側所以羅羣
象吞八極展萬祀而成在衆心冠三秦而位居一德况乎天地
初霽雲霞四披紅塵滅影碧落標奇宿霧市之氣尙疑煙闕聳
蓮峯之色不讓文陣顧萬夫之莫向信六國而奚爲岌岌神才
言言天設連岸抱九州之路壯氣折諸侯之節蕭蕭歸馬想飲
窟之初還隱隱輕雷訝鳴鼓之不歇天包地束鳥過雲輕萬仞
垂峭千峯八冥髣髴虹蜺盡識旌旗之色依稀星月皆分弧矢

之形疑其發迹混茫孕茲重阻假巨靈拔山之力衛王者登龍之所不然安得不費一錢不勤一旅削成而千里共峻作鎮而一人可禦是宜堯爲君而舜爲臣道爲主而德爲隣與天下之人共守使海內之士咸賓夫如是則東彝北翟雖欲窺而何因

西嶽望幸賦

閻隋侯

壯哉太華兮爲金方之鎮削成四面壁立千仞勢阨河關兮橫地以傑出氣雄宇宙兮極天而增峻疏鑿則禹封崇則舜厯選列辟咸五載而一巡於昭有唐曷不登以肆覲我聖君之開元一十八載威靈限乎無外至德與日月齊明寶位與乾坤比大鴻澤洋溢湛恩滂沛萬國同於文軌百蠻襲於冠帶河海清夷

風雲昭泰鬼神奔走而奉職玉帛梯航而入會蕩蕩乎巍巍乎
誠聖人之神用也美不可得而稱載至若祖武宗文之業觀風
問俗之勤舉由禮兮動爲仁禋百福兮延羣神無文之典咸秩
中和之政惟醇邦國之鴻徽克播帝王之盛事畢陳若乃詩書
道義之府禮樂功德之則設金馬石渠之署修成均崇文之職
坐公卿以論道養更老而崇德詢善而當宁委裘禮賢而日旰
忘食振木鐸而施令正銅儀而御極歌舞盡聖德之容聲名彰
具物之飾此聖人之文教也先王剡木爲矢弦木爲弧所以除
戎器戒不虞於是簡車徒誓將帥百官象物而動軍政不戒而
備重之以三令五申示之以戎昭果毅正卒伍駢部位鵝鸛魚

麗兮鴈行鱗次鳴笳疊鼓兮隱天動地自朝及野兮千乘萬騎
谷轉山移兮天旋雲被赫赫震震耀武中原兮將除害以興利
因農隙而講武事羌彝覲之以奪魄蠻翟聞之以挫氣雖商湯
有景亳之命方此以知慚周成有岐陽之蒐比茲而多愧然後
班師旅行慶賜穆穆皇皇焉舍爵策勳而飲至此聖人之武功
也太原啓聖誕受駿命傳萬代兮本支盛上黨興王休有烈光
應大橫兮天業昌漢高不忘於豐沛光武不越於南陽故踰孟
門越太行鏖危磴夷高岡馬無泛駕兮鑾佩鏘鏘車靡摧輪兮
和鈴央央紛芻霍以電邁震隱麟以軍裝至入平舊宮之皇皇
思祖宗之艱難詠潛龍於沂康出德教兮修國章問老病兮勸

農桑豈徒率子弟以佐酒歌大風而還鄉此聖人之巡狩也古
者爲高必因邱陵爲下必因川澤去春陵之天邸望臺駘之星
陌黃軒訪道乃逍遙於廣成丹陵出遊還悵望於姑射踐唐人
之舊壤遵漢家之餘迹祠后土於汾陰盛禮容於瑤席旣而秦
圻啓方壇闢有潔在盛有牲在滌奏咸池兮羅金石歛瘞繒兮
埋玉璧幽髣髴兮地祇格電輝煌兮神光赫時展豫兮羣瑞臻
紛景福兮隨吾君黃龍降兮應景運寶鼎見兮寫龍文整樓船
兮濟橫汾縱歡樂兮歌白雲此聖人之報地也禮行於郊百神
受職焉禮行於社百貨可極焉旣卽陰以報地遂就陽而禮天
因吉土厯廣塵跨周服掩秦田萬乘星陳出直城之郊外八方

雲會就京兆之天邊騎雜沓車駢闐赫赫奔奔而燭川以屆乎
圓邱之前於是牲用特酒尙元樂以雲門是重禮以蒼玉爲先
推高祖以作配五精率而來旋達上下合腥臙設柴燎致高煙
上帝降鑒兮享明德子子孫孫兮萬億年此聖人之禮天也王
者受命必升中以因名山告成功而紀厥美四時以春方首事
五嶽以岱宗爲始無懷以降七十有餘管仲所詳十二而已我
皇承先王正統繼列聖遐軌幽明協同靈物蕃祉故天不愛其
寶地不愛其珍卿雲爛熳而動色醴泉涓溢而流津莫赤匪狐
九尾而自擾莫黑匪鳥三趾而來 沉復西鷄比翼東鰈呈鱗
秬黍生於鄼沚包茅出於江濱一莖九穗之禾備粢盛而兢發

雙骼共觚之獸供犧牲而自臻可不謂然乎我皇雖以地平天
清時和歲貞欲行封禪之事猶執謙撝之情則有冠帶列辟縉
紳諸生互陳嘉頌爭獻懇誠候屬車之塵者率士皆是請闕庭
之下者靡日不盈於是備法駕順卜征襲時服肅天行河洛之
人尙觀於後乘鄒魯之地已識其前旌水湛千年之色山呼萬
歲之聲常龍之峯帝鄉之白雲遙接金鷄之岫長安之曉日雨
明所以登封降禪所以騰鴻飛英旣刻石以頌美亦泥金而告
成信四三皇而六五帝曾何周漢之足名然後審度量正權衡
咨嶽牧問黎氓人荷復除之惠家索牛酒之榮此聖人之東封
也宗廟所以本仁祭祀所以尊祖馨香寧止於黍稷備物必該

於水上故醴醢在堂粢醢在戶歌采齊肆夏之節奏文始五行之舞有來斯雍助我明主祝嘏詞說豈云虛取宜其時和人豐而神降之祐也所以靈芝秀祥飈興月毳下膏露凝奉先帝而追孝遂加敬於園陵此聖人之致孝也倬彼靈嶽傑出秦畿豁爲巨防壯哉皇威雖國家盛德之無垠在先王設險而可依雄天府以岌岌符聖壽而巍巍萬物生華稟少陰之精粹五星分緯融太白之光輝俯壓黃壤上千翠微矧靈異之所蓄乃神仙之所歸實五嶺之所首諒羣山之所稀且夫西嶽之爲鎮也大焉西方之爲義也多矣其色也白白爲五色之質其音也商商爲五音之紀其味也辛辛爲五味之和其行也金金爲五行之

始帝則少皞居神位則蓐收在祀歲時有秋歛之功懷寶多金
石之美所以能協我大君之明命永作固而配天高峙也徒觀
其交錯糾紛之勢盤礴峻秀之形嵒嶸巖巖停停熒熒紛刻峭
其若削洞崕呀以杳冥樹色凝黛天光結青暗谷崢嶸而藏胚
渾之氣幽壘瞰陽而化神仙之靈中融寒暑下聞雷霆南澗載
陽而北澗停雪西峯睹日而東峯見星上參窮昊憑之者永安
涉之者難老疊嶂重巒互稠沓千巖萬壑相縈抱其虛谷也數
行發地緣茂松其峻壁也百仞懸崖不生草夫岷閬峙於方外
蓬瀛傑於海島皆元聖之所遊非化人之可保豈若茲嶽俯臨
京鎬上有明星玉女峯下有長安洛陽道作鎮并崇於雍豫靈